

«Tasdiqlayman»

«Shurtan GKM» MCHJ

Ekspert-texnik komissiyasi raisi

N. Xalilov

« 06 » 02 2024 y.

“O‘zbekneftgaz” AJ umumiy ko‘rgazma stendini  
ijara shartlari asosida barpo etish bo‘yicha

**TEXNIK VAZIFA**

ShGKM – 2024 yil

# 1. UMUMIY MA'LUMOTLAR

## 1.1.Nomi

“O‘zbekneftgaz” AJ umumiy ko‘rgazma stendini ijara shartlari asosida yangi va zamonaviy dizayn loyihasini ishlab chiqish, barpo etish (montaj-demontaj) bo‘yicha xizmatlarni amalga oshirish va “tayyor kalit” holatida topshirish.

## 1.2. Xaridning asosiy maqsadi

### Asos:

1. “O‘zbekneftgaz” AJning 2024-yil 1-fevraldagi 53-son buyrug‘i.
2. “O‘zbekneftgaz” AJ Boshqaruv Raisining 2024-yil 26-yanvardagi 01/21-11/3-154- sonli topshirig‘i.
3. O‘zbekneftgaz” AJ Boshqaruv Raisining 2024-yil 9-yanvardagi 01/21-11/3-151- sonli topshirig‘i.
4. 2024-yil uchun yillik buyurtma.

### Maqsad:

1. 2024-yilning 14-16 may kunlari “O‘zekspomarkaz” MKK AJning ko‘rgazma pavilonida o‘tkaziladigan 26-xalqaro “O‘zbekiston neft va gaz OGU-2024” ko‘rgazmasida “O‘zbekneftgaz” AJ munosib ishtirokini ta‘minlash;
2. 2024-yilda (*aniq sana qo‘shimcha ravishda Ijrochiga ma‘lumot beriladi*) Qarshi shahrida o‘tkaziladigan hududiy tarmoqlararo sanoat yarmarkasida “O‘zbekneftgaz” AJ munosib ishtirokini ta‘minlash.

## 1.3. Yangiligi to‘g‘risida ma‘lumot

1.3.1. Ko‘rgazma stendi yangi materiallardan tayyorlangan, avval ishlatilmagan, nuqson va kamchiliklardan holi bo‘lishi, tasdiqlangan zamonaviy 3D loyiha-dizayn va umumiy xarajatlar smetasiga mos ravishda Ijrochi tomonidan ishlar amalga oshirilishi va o‘rnatilgan muddatlarda topshirilishi shart.

## 1.4. Xizmatlarni amalga oshirish bosqichlari

1.4.1. Maxsus ixtisoslashgan korxona (tashkilot)lar tomonidan “O‘zbekneftgaz” AJ “Brend-book” asosidagi umumiy ko‘rgazma stendi 3D formatida yangi va zamonaviy dizayn-loyihasini va umumiy xarajatlar smetasini ishlab chiqqan holda o‘z texnik-tijorat takliflarini taqdim etish – **muddati 2024-yil 5-aprelgacha.**

1.4.2. Buyurtmachi tomonidan tasdiqlangan loyiha-dizaynga asosan, 26-xalqaro “O‘zbekiston neft va gaz OGU-2024” ko‘rgazmasida munosib ishtirok etish uchun Ijrochi ko‘rgazma stendini ijara shartlari asosida “O‘zekspomarkaz” MKK AJning ko‘rgazma pavilonida (Toshkent shahrida) barpo etish va “tayyor kalit” holatida topshirish – **muddati 2024-yil 10-maygacha.**

1.4.3. 26-xalqaro “O‘zbekiston neft va gaz OGU-2024” ko‘rgazmasi yakunidan so‘ng, Ijrochi tomonidan “O‘zekspomarkaz” MKK AJning ko‘rgazma pavilonida (Toshkent shahrida) ko‘rgazma stendini demontaj qilish ishlarini bajarish – **muddati 2024-yil 17-18-may kunlari.**

1.4.4. Ijrochi tomonidan 26-xalqaro “O‘zbekiston neft va gaz OGU-2024” ko‘rgazmasi uchun “O‘zekspomarkaz” MKK AJning ko‘rgazma pavilonida barpo etilgan ko‘rgazma stendini joriy yilda Qashqadaryo viloyati Qarshi shahrida o‘tkaziladigan hududiy tarmoqlararo sanoat yarmarkasida ham qo‘shimcha shartlarsiz qayta barpo etishi, “tayyor kalit” holatida Buyurtmachiga topshirishi va yarmarka yakunidan so‘ng demontaj qilishi – **muddati 2024-yilda (aniq sana qo‘shimcha ravishda Ijrochiga ma‘lumot beriladi).**





## 2. ASOSIY TEXNIK TALABLAR

### 2.1. Ko'rgazma stendiga qo'yilgan talablar:

- Ko'rgazma stendi umumiy maydoni uchun 3D formatida kamida 2 xil ko'rinishda zamonaviy dizayn-loyihasini va umumiy xarajatlar smetasini ishlab chiqish hamda "Buyurtmachi"ga taqdim etish;
- Ko'rgazma stendi umumiy maydoni - 120 m<sup>2</sup>;
- Umumiy maydon "pol-podium" balandligi – kamida 80-100 mm bo'lishi;
- Stendning balandligi – 6-7 metrgacha.

### 2.2. Ko'rgazma stendida bo'lishi kerak:

- "O'zbekneftgaz" AJ ko'rgazma stendini qurishda eng so'nggi tendensiyalardan foydalangan holda yaxlit konsepsiyadan tashkil topishi;
- ko'rgazma stendida zamonaviy axborot-texnologiyalari elementlaridan ko'proq foydalanish (3D, futuristik konsepsiyalar, yuqori sifatli LED ekranlar va hokazo);
- ko'rgazma stendida "O'zbekneftgaz" AJ "Brend-book"ini turli konfiguratsiyalarda oqilona qo'llagan holda yorqinroq va ochiq ranglarga ko'proq urg'u berish (foydalanish);
- ko'rgazma stendida tashrif buyuruvchilar va muzokaralar o'tkazish uchun qulayliklar yaratish;
- "O'zbekneftgaz" AJ mahsulotlari bilan tanishish hududi – 4 ta import mahsulotlar uchun, 4 ta ishlab chiqariladigan mahsulotlar uchun (shisha polkali);
- "O'zbekneftgaz" AJ virtual axborot/taqdimot hududi – 4 ta (minimum);
- muzokaralar o'tkazish joyi – 1 ta 6-8 kishilik, 2 ta 3-4 kishilik (mebellar to'plami);
- resepsion burchagi – resepsion stol 2 ta, bar stuli 4 ta (minimum);
- zamonaviy ko'rinishdagi va yetarli miqdordagi ofis mebellari, dekorativ gullar, monitorlar bilan ta'minlangan bo'lishi;
- ko'rgazma stendida foydalaniladigan ranglar va logotiplar "O'zbekneftgaz" AJ "Brend-book"ga muvofiq bo'lishi;
- ko'rgazma stendi (jihozlari) va "O'zbekneftgaz" AJ logotiplari yuqori darajada yoritilgan bo'lishi;
- ko'rgazma stendi tashkilotchilar, tashrif buyuruvchilar va kuzatuvchilar uchun qulay ko'rinish ega va harakatlanishda halaqit beruvchi to'siqlarsiz hamda xavfsizlik texnikasi qoidalariga muvofiq bo'lishi.
- Ijrochi tomonidan yuqorida ko'rsatilgan talablarga qo'shimcha ravishda qo'shimcha jihozlar (yoritish chiroqlari, ovoz kuchaytirish vositalari va h.k. lar) bilan taklif kiritishi mumkin.

## 3.YETKAZIB BERISH VA QABUL QILISH TALABLARI

3.1. Ijrochi mazkur texnik vazifaga mos ravishda ko'rgazma stendini 1.4.2. va 1.4.4.bandlarida belgilangan muddatlar va manzillarda barpo qiladi va Buyurtmachiga ijaraga beradi.

3.2. Toshkent shahrida "O'zekspomarkaz" MKK AJning ko'rgazma pavilonida ko'rgazma stendi uchun materiallarni montaj-demontaj qilish, transport xizmatlari va boshqalar bilan bog'liq barcha sarf-xarajatlar Ijrochi hisobidan ta'minlanadi.

3.3. Qashqadaryo viloyati Qarshi shahrida bo'lib o'tadigan hududiy tarmoqlararo sanoat yarmarkasida "O'zekspomarkaz" MKK AJ qo'yilgan "O'zbekneftgaz" AJ ko'rgazma stendini qayta barpo etish maqsadida Toshkent shahridan Qarshi shahriga tashib keltirishda avtotransport xarajatlari Buyurtmachi hisobidan ta'minlanishi mumkin, qolgan barcha sarf-xarajatlar 1.4.4. va 3.2.-bandlarga asosan Ijrochi hisobidan qoplanadi.



3.4. Buyurtmachi ("O'zbekneftgaz" AJ) tegishli mutaxassislari tomonidan ko'rgazma stendini barpo etish jarayonlarini to'liq nazorat qilib boriladi va "tayyor kalit" shartlari asosida belgilangan muddatlarda Ijrochidan qabul qilinadi hamda Ijrochi va Buyurtmachi o'rtasida dalolatnoma rasmiylashtiriladi.

3.5. Amalga oshirilgan ish va xizmatlar hamda ko'rgazma stendida kamchilik va nuqsonlar aniqlanganda, Ijrochi o'z hisobidan ularni bartaraf etishi va stendni o'z vaqtida topshirishi shart.

#### 4. ISHLAR VA XIZMATLAR KAFOLATIGA TALABLAR

4.1. Bajarilgan ishlar va ko'rsatilgan xizmatlar sifati uchun to'liq javobgarlik Ijrochi zimmasiga yuklanadi va kafolat taqdim etilishi shart.

4.2. Mazkur texnik vazifaga, tasdiqlangan dizayn-loyihaga, umumiy xarajatlar smetasiga va ko'rgazma stendni barpo etish bo'yicha har qanday o'zgartirish va qo'shimchalar Buyurtmachi ("O'zbekneftgaz" AJ) bilan kelishgan holda amalga oshiriladi.


#### 5. IJROCHIGA QO'YILADIGAN TALABLAR

5.1. Tegishli sohaga ixtisoslashgan, sohada yetarli tajriba (kamida 3 yillik) va malakali mutaxassislarga ega bo'lishi.

5.2. Ijrochi Buyurtmachiga dizayn-loyihasi, umumiy xarajatlar smetasi va 2.2-bandda ko'rsatilgan jihozlarning umumiy ro'yxati ko'rsatilgan ma'lumotlarni to'liq va batafsil ko'rinishda o'zbek va rus tillarida (qog'oz va elektron ko'rinishda) taqdim etishi lozim.


##### Ishlab chiqdi:

M va KAK bo'yicha Bosh mutaxassis-  
Innovatsiya menejeri


 I. Maxmudov

##### Kelishildi:

Bosh muhandis o'rinbosari-  
IBX boshlig'i:

 T. Diyorov

MTRB xizmati muhandisi:

 Sh. Botorov

